

**2025EKO OTSAILAREN 24AN EGINDAKO
EZ-OHIKO UDALBATZAREN BILKURAKO AKTA**

BERTARATUAK

Alkate-Lehendakaria

Gorka Murua Macuso

Zinegotziak

BERTARATUAK

Olaia Nieto Legarra
Mikel Iturbe Saizar
Idoia Garayalde Goicoechea
Noelia Lataburu Ortiz
Gorka Sagarna Larrañaga
Ana Jesus Leunda Gurrutxaga

EZ BERTARATUAK

Ioritz Lazcano Aranalde
Begoña Tolosa Mendia

Idazkaria: Irantzu Arrizabalaga Gainza.

Arratsaldeko 19:00etan batzarrari hasiera eman zaio.

Iruran, 2025eko otsailaren 24an arratsaldeko 19:00etan, Udaletxeko Pleno Aretoan, Irurako Udaleko EZ-OHIKO Udalbatza Plenoa egiteko goian adierazten direnak lehen deialdian bildu dira.

Bilera, publikoari irekia izango da, eta edozein herritarrek bere eskura izango ditu bileraren akta eta audio grabazio argitaratu ondoren eskuratzeko.

Bertaratuak bezala goian agertzen diren zinegotziak batzarkide direlarik, Gorka Murua Macuso izan da Batzarburua.

Udalbatza audio sistema bidez grabatua izan da, grabaziotik ateratako fitxategi bat dago, idazkariak idatzitako aktarekin batera joango dena.

1.- IRURAKO UDALA ETA IRURA MORETUZ ELKARTEAREN ARTEKO HITZARMENA ONARTZEKO PROPOSAMENA.

BERDINTASUN BATZORDEAREN PROPOSAMENA

<u>AKTA ZENB.</u>	<u>ORRIALDEA</u>	<u>DATA</u>	<u>GAIAK</u>
2025/01	1/1	2025-01-27	1.- Irura moretuz emakume taldearekin hitzarmena

Berdintasun batzordeak, 2025eko urtarrilaren 27an eginiko bileran gai hau aztertu du:

"IRURA MORETUZ EMAKUME TALDEAREKIN HITZARMENA SINATZEAREN PROPOSAMENA"

2025eko urtarrilaren 10ean Irura Moretuz elkarteak, diru laguntza eskaera egin zuen gizon eta emakumeen arteko berdintasuna sustatzeko, emakumeen ahaldunderako, indarkeria matxistaren aurka jarduteko, feminismoaren hedapenerako elkargune izateko eta hainbat ekimen antolatuzeko.

Eskaera horretan, elkarteak ez zuen diru kopururik zehaztu, baina 2025ko berdintasun sailaren aurrekontua egiterakoan, udalak 3.000€ gorde zituen elkarte honek antolatutako ekintzak finantzatzeko, oraingo kasuan bezala.

Berdintasun batzordean gaia aztertu da eta guztien arteko adostasuna jaso da.

Hau dela eta, Udalbatzarrari proposatzen zaio:

- 1.- Irura Moretuz emakume taldearekin 2025eko berdintasun ekimenak aurrera eramateko hitzarmena sinatzea.
- 2.- 2025eko aurrekontuko 1 0000.480.230.00.10 partidako eta Irurako Dirulaguntzen plan estrategikoan jasota dagoen bezala,
- 3.000€ak Irura Moretuz elkarteari diru laguntza emateko bideratzea, alpatutako zenbatekoaren %70 hitzarmena izenpetutakoan eta gainerako %30 gastuen eta sarreraren balantzea surkeztutakoan ordainduz.

IRURAKO UDALA ETA IRURA MORETUZ ELKARTEAREN ARTEKO HITZARMENA

Iruran, sinaduraren egunean

SINATZAILEAK

Alde batetik, MARIA BEGOÑA VAZQUEZ MARIN adinez nagusia, 35778063E nortasun agiria duena, Iruran, etxezarreta kalea 11, p01. eskubian helbideratua eta G09803845 Identifikazio Fiskaleko Zenbakia duen Irura Moretuz feminismoaren sustapenerako Elkartearen izenean.(. Estatutu hauek kontratu honi eransten zaizkio 1. Zenbakiarekin).

Bestetik, GORKA MURUA MACUSO, Irurako Udaleko alkate-lehendakaria, egintza honetan udal idazkaria den IRANTZU ARRIZABALAGA GAINZAK lagundurik.

Bi aldeek hitzarmen hau egiteko gaitasun nahikoa eta kasuan kasuko ordezkariak aitortzen diote elkarri eta eragin horretarako ondokoa

AZALDU DUTE

Irura Moretuz feminismoaren sustapenerako Elkarteak hitzarmen honen diru ekarpenarekin emakumeen ahalduntzea eta herritarren sentsibilizazioa sustatzeko ekintzak garatuko dituela helburu hauekin:

Lehena.- Irura Moretuz feminismoaren sustapenerako elkarte da. Herrian sortua, gizon eta emakumeen arteko berdintasuna sustatzeko, emakumeen ahalduntzerako, indarkeria matxistaren aurka jarduteko, feminismoaren hedapenerako eta herritarrengan sentsibilizazioa lantzeko elkargune izateko.

Bigarrena.- Irurako Udalak bat egiten du elkarte honek proposatutako gizon eta emakumeen arteko berdintasuna sustatzeko, emakumeen ahalduntzerako, indarkeria matxistaren aurka jarduteko, feminismoaren hedapenerako eta herritarrengan sentsibilizazioa lantzeko helburuekin.

Hirugarrena.- Hitzarmen hau, Irurako Udalak 2025ko otsailean egin zuen Osoko Bilkuran onartu zen.

Irurako Udalbatza Plenoak, 2021eko apirilaren 27an egindako bilkuran, udal honek ematen dituen dirulaguntzak arautzeko Ordenantza onartu zuen.

Ordenantza honen III. Kapituluaren 12. Atalean, Dirulaguntzak zuzenean ematea arautzen dira, Herri-Administrazioetako Dirulaguntzak arautzen dituen azaroaren 17ko 38/2003 Legean xedaturikoaren arabera.

Laugarrena.- Maria Begoña Vazquez andreak adierazten du, bere ardurapean, bera eta ordezkariak duen elkarte ez daudela azaroaren 17ko 38/2003 Diru Laguntzen Lege Orokorraren 13. artikulua xedatzen duen egoeran.

Bostgarrena.- Bestaldetik, Toki Ondasunen Erregelamendua arautzen duen ekainaren 13ko 1372/1986 Errege-Dekretuko 109.2 artikuluan xedatutakoaren arabera, udalek zeditu ahal izango dituzte beren ondare-izaerako ondasunak, beti ere baldintza hauek kontuan harturik:

-lagapenaren esleipendunak irabazi asmorik gabeko eta herri-intereseko erakundea izan behar du.

Lagapenak udalerriko biztanleen onura izan behar du helburua

Aurrez adierazitakoa eta bi aldeek arteko lankidetzaren udalerrientzat onuragarria dela ikusirik, Irurako Udalak eta Irura Moretuz Elkarteak erabaki dute lankidetzaren hitzarmen hau izenpetzea ondorengo klausula hauei loturik:

KLAUSULAK

LEHENEA.- Hitzarmenaren xedea: Irura Moretuz Elkarteak hainbat ekintza eramango ditu aurrera 2025 urtean, emakumeen ahalduntzerako eta herritarrengan sentsibilizazioa lantzeko.

URTARRILA	OTSAILA	MARTXOA
- 2025erako ekitaldi nagusienak aurreikusteko talde eragilearen bilera azpi-taldeetako ordezkariekin.	-Martxoaren 8ko ekintzak antolatzeko bilera irekia egingo dugu.	-M8ko ekitaldiak aurrera eramatea. Udalarekin elkarlanean Beatriz Egizabalen bakarrizketa kontratatu da. Udalak ordainketa bere gain hartuko duela adostu da.

APIRILA	MAIATZA	EKAINA	UZTAILA
-Kirol astearen harira, Sara Majarenas Ibarreta fisioterapeutak, zoru pelbikoa zaintzeko eta errekerperatzen laguntzeko tailerra eskainiko du. Iazko arrakasta ikusita, aurten 4 saio emango ditu, 2 apirilean eta beste 2 maiatzean (datak aldatzea gertatu daiteke).	- LGTBI egunerako ekintzak. - Sara Majarenasen 2 saio.	- Urtarriletik ekainera bitartean egindako ekintzen balorazioa eta urtea amaitu bitarteko ekintzen errebasoa.	-Lodifobiari buruzko hitzaldia egitea aztertzen ari gara.

IRAILA	URRIA	AZAROA	ABENDUA
-Herriko jaietan Irura Moretuzi ikusgarritasuna emateko ekintza-zen bat gauzatu.	-Emakumeen IV. Azoka antolatzea	- A25eko ekitaldiak.	Irurako Ostatuko "Irakurketa feministarako txoko morea" liburu berriz hornitu. Horretarako baliabide ekonomiko nahikoa badugu.

Ekintza horiek finantzatzeko eta diru-sarrerak lortzeko, elkarteak duen aukera bakarra da hainbat ekintzari sarrera-tasa ipintzea. Hori dela eta, udalari babes ekonomikoa eta kasuan-kasu baliabide publikoen erabilpena eskatuko dizkio.

- Irura Moretuz elkartearen betebeharrak:
 - Diruz lagunduko diren proiektuak gauzatea.
 - Proiektu horiei buruzko unean uneko informazioa ematea Udalari.
 - Elkarteak, herriari zuzendutako ekintza guztietan Udalaren laguntza eta babesa jasotzen duela adieraziko du.
 - Urtearen bukaeran, proiektuen gauzatze-mailari buruzko txostena aurkeztea eta diru-kontuak egoki zuzitzea.
- Irurako Udalaren betebeharrak:
 - Dirulaguntzaren ordainketa zehaztutako modu eta garaien egitea.
 - Irura Moretuzekin elkarlanean, ekitaldi bat antolatzea adostutako datan, egindako lanaren berri emateko balioko duena eta herritarrak sentsibilizatzeko helburua izango duena

BIGARRENA.-Diru laguntzaren kopurua eta ordaintzeko era: Irurako Udalak 3.000 euro arteko dirulaguntza onartuko du Irura Moretuz Elkartearentzat, aipatu dituen eta herritar guztion ongizaterako interesgarriak diren helburuak betetzeko programatutako ekintzak burutzeko.

Dirulaguntza hori kreditu honetatik ordainduko da:
2025eko udalaren aurrekontuaren Partida: 1.0000.480.230.00.10.

Hurrengo kontu korrontean: ES80 2095 5072 6091 2149 0599

Udal honek aipatutako zenbatekoaren %70 ordainduko dio Irura Moretuz Elkarteari hitzarmena izenpetutakoan, eta gainerako %30 gastuen eta sarreraren balantzea aurkeztutakoan.

HIRUGARRENA.- Dirulaguntza justifikatzeko epea eta modua: 2026ko urtarrilaren 31rako, elkarteari 2025. urtean egin dituen ekintzen memoria eta balantze ekonomikoa aurkeztu beharko ditu, fakturen eta bestelako agirien kopiak erantsita; eta jasotako beste edozein administrazio edo erakunde publiko zein pribatuko xede bererako emandako diru laguntza, laguntza, diru sarrera edo baliabideekiko bateragarritasuna edo bateraezintasuna aztertu ondoren, Udalak zuziketa proposamena egingo du.

LAUGARRENA.- HIZKUNTZA BETEBEHARRAK. Erakunde onuradunak udalarekin dituen ahozko zein idatzizko harremanak euskaraz izango dira. Erakunde onuradunak diruz lagundutako jardueran argitaratzen diren idatzi, iragarki, ohar eta gainerako komunikazioak orokorrean euskaraz ezagutarazi beharko ditu, eta publizitatearekin ere, ahozko zein idatzia izan, berdin jokatuko du. Hala ere, diru laguntzen lerro bakoitzaren deialdian edo dagokion hitzarmenean jarduera mota bakoitzari dagokion hizkuntza irizpide berezituak zehaztuko dira.

Irura Moretuzek Udalaren hizkuntza jarduera arautzeko planen arabera jokatuko du, printzipio hauek oinarri hartuta:

Proporzionaltasun-printzipioa bermatuko du, diruz lagundutako jardueraren ezaugarrien, xedearen eta hartzaileren arabera.

Hizkuntza irizpideak diruz lagundutako jarduerari lotuta egongo dira.

Diruz lagundutako jardueren komunikazioak edo argitalpenak egin behar direnean, lehenetsuna emango zaio euskarari.

Irura Moretuz Elkarteko ordezkariak Udalarekin ahozko eta idatzizko harremanak euskaraz izango dituzte, hori baita administrazio honen lan hizkuntza.

Eta zalantzak argitzeko edo laguntza eskatzeko aukera izango dute Udalaren Euskara departamentura joz.

BOSGARRENA.- GENERO-BERDINTASUNAREN ARLOKO BETEBEHARRAK.

Pertsona onuradunak aplikatzekoa zaion indarreko araudi guztia errespetatu beharko du; eta bereziki Emakumeen eta Gizonen Berdintasunerako 4/2005 Legea. Erakunde onuradunak diruz lagundutako jardueran honako printzipio orokorrak bete beharko ditu:

a) Hizkera inklusiboa eta irudi ez sexistaren erabilera dokumentazio, euskarri eta errotulazio guztian.

b) Berdintasunean eragin positiboa izatea bermatzea.

Genero ikuspegia eta parekidetasun irizpideak txertatzea proiektuetan.

c) Proiektu eta memorietan sexuagatik desagregatutako datuak erabiltzea. Diru laguntzen lerro bakoitzaren deialdian edo dagokion hitzarmenean jarduera mota bakoitzari dagokion berdintasun irizpide bereziak zehaztuko dira.

d) Irura Moretuzek genero-ikuspegia kontuan hartu beharko du, ondorengoak betez:

e) Jarduerak sustatzeko egiten dituen kartel, testu eta agirietako edukitan hizkuntzaren eta irudien erabilera ez-sexista egin beharko du.

f) Ez du sortuko sexuagatik bereizkeria zuzena edo zeharkakoa eragiten duen jarduerarik.

SEIGARRENA.- INGURUMEN BETEBEHARRAK.

Pertsona edo erakunde onuradunek, oro har, ingurumeneko irizpideak hartu beharko dituzte kontuan ondorengo alorretan:

a) Aurrezte eta energia eraginkortasuna.

b) Hondakin frakzio ezberdinen sailkatze egokia, horiek sortzeari aurrea hartzeaz gain.

c) Tokiko aniztasunari kalterik ez sortzea (habitat naturalak, espezieak eta prozesu ekologikoak).

d) Mugikortasun iraunkorra sustatzea.

e) Indarrean dagoen araudiak ezarritako gehieneko mugaz gaindiko zaratarik ez sortzea eta herritarrekiko eta ingurumenarekiko kalitate akustikoa bermatzea. Diru laguntzen lerro bakoitzaren deialdian edo dagokion hitzarmenean jarduera mota bakoitzari dagokion ingurumen irizpide bereziak zehaztu ahal izango dira.

ZAZPIGARRENA.- IRURAKO UDALAK PREKARIOZ ZEDITUKO DUEN LOKALAREN ERABILPEN ARAUDIA

- Irura Moretuz Elkartek, Udalaren jabetzako eraikin batean izango du bere egoitza fiskala. Egoitza hori San Migel Plaza 6an izango da, haurreskola gaineko erabilera anitzeko lokalean, eragileen txokoa deiturikoan, udalak eta elkartek adostutako egutegi eta ordutegian erabiltzeko.
- Udalak aipatutako espazio hori Irura Moretuz Elkarteari doan lagatuko dio bere erabilpenarako. Lagapen hori prekarioz egingo da eta ezinbesteko baldintza izango da hitzarmen honetan adostutako jarduera garatzea.
- Udalak lokalari atxikitutako honako gastu hauek ordainduko ditu: ura, argia, gasa, hondakinen kuota, lokalaren aseguru eta alarma.
- Udalak lokal hori erabilera anitzeko instalazioa izatea nahi du, horregatik, berau herriko beste taldeek ere erabiltzeko eskubidea izango dute. Dena den, Irura Moretuz Elkartek beste eragileekin batera erabilerarako lehentasuna izango du eta erabileraren inguruko auzirik gertatuko balitz, Udalak erabakiko du zer egin.
- Irura Moretuz Elkartek lokala utzi den helbururako bakarrik erabiliko du eta ondo zaintzeko ardura bere gain hartzen du.
- Lokala modu egokian erabili beharko da eta ekipamendu edo instalazioen akats edo matxurarik gertatzen bada, Udalari lehenbailehen jakinarazi beharko zaio.
- Ekipamendu edo instalazioen matxurei dagokienez, matxura erabilera arruntetik sortutakoa bada, Udalak bere gain hartuko du. Aldiz, erabilera desegokiaren ondoriozkoa bada, espazio hori erabiltzen duten Elkarrek bere gain hartuko dute.
- Hitzarmena, ezein indemnitzazio-kopurutarako eskubiderik gabe bukatuko da.
- Udalak, interes publikoko arrazoiak medio, lagapena bertan behera utziko balu, esleipendunak ez luke inolako eskubiderik izango indemnitzazioa jasotzeko.

ZORTZIGARRENA.- Irura Moretuz elkarteari eta Irurako udalari dagokie instalazioak eta azpiegiturak zaintzea eta egoera egokian eta erabili aurretik zeuden bezala uztea.

BEDERATZIGARRENA.- Azaroaren 17ko 38/2003 Diru-laguntzen Lege Orokorrak ezarritakoaren arabera, onuradunak honako agiri hauek aurkeztu beharko ditu:

-Nortasunaren egiaztagiria.

-Legearen 13. artikuluan adierazten diren egoeretan ez dagoela zinez aitortzea.

Foru Ogasun eta Gizarte Segurantzarekiko zerga-betebeharrak egunean dituela egiaztatuko duten ziurtagiriak.

Ordaintzeko modua zehaztuz baimendutako ordezkariak eginiko idatzia aurkeztea, behar denean.

HAMARGARRENA.- Irura Moretuzek ez badu hitzarmena betetzen, aurreikusitako laguntza indargabetzea ekarriko du, eta, hala badagokio, kontuan harturik zertan ez den bete eta hitzarmen honen xedea zein den, Udalari itzuli egin beharko dio dirulaguntza guztia edo haren zati bat.

HAMAIKAGARRENA.- Hitzarmena sinatzen duten bi aldeek bere horretan eusten diete beren ahalmenei eta hartzen dituzten erantzukizunak hitzarmenean jasotako obligazio eta konpromiso horietatik, ez besterik.

Hitzarmenak eragina izango du eta sinatzaileak beharko ditu sinaduraren egunetik aurrera, eta urte beteko indarraldia izango du.

Adostasun seinale, hitzarmenaren bi ale sinatzen ditugu.

Honen guztiaren berri eta fede ematen dut nik, idazkariak, adierazitako data eta lekuan.

IRURAKO ALKATE

IRURA MORETUZ ELKARTEA

UDAL IDAZKARIA

BOZKETA.- PROPOSAMENA AHO BATEZ ONARTU DA.

BOZKETA.-

ALDE: Gorka Murua Macuso (Eh bildu), Olaia Nieto Legarra(Eh bildu), Mikel Iturbe Sainzar(Eh bildu), Idoia Garayalde Goicoechea(Eh bildu), Noelia Lataburu Ortiz(Eh bildu). Gorka Sagarna Larrañaga(EAJ/PNV), Ana Jesus Leunda Gurrutxaga(EAJ/PNV).

2.- IRURAKO UDALA ETA AMETSA PILOTA ELKARTEAREN ARTEKO HITZARMENA ONARTZEKO PROPOSAMENA.

KULTURA BATZORDEAREN PROPOSAMENA			
<u>AKTA ZENB.</u> 2025/02/18	<u>ORRIALDEA</u> 7/1	<u>DATA</u> 2025-02-18	<u>GAIAK</u> 6. Ametsa Pilota Elkartearen eta Irurako Udalaren arteko hitzarmena 2024/2025 ikasturtean xare eskolak emateko

Kultura batzordeak, 2025Eko otsailaren 18an eginiko bileran gai hau aztertu du:

AMETSA PILOTA ELKARTEAREN ETA IRURAKO UDALAREN ARTEKO HITZARMENA

Iruran, 2025ko Otsailaren 18an

BILDURIK

Alde batetik, Mikel Uzkudun Olano 15.909555H N.A.N zenbakiarekin eta G20416079 Identifikazio Fiskaleko zenbakia duen Ametsa Pilota Elkarteko ordezkaria, Zilar kalea z/g Irura herrian helbidea duena, aurrerantzean APEL deituko dena

Eta bestetik, GORKA MURUA MACUSO, Irurako Udaleko alkate-lehendakaria, egin-tza honetan udal idazkaria den IRANTZU ARRIZABALAGA GAINZAK lagundurik.

Biak ekintza hau burutzeko ahalmen osoa onartzen dute.

AURREKARIAK

Lehena.- Iruran Ametsa Trinketea eraiki zen, xare kirola herrian erroturik zegoelako eta herritarrek, kirolaz haratago kultur ondare ez-materialtzat hartzen dutelako xare joko.

Hori dela eta, ondarea kontserbatzea udal erakundearen zeregina delakoan, udal honek, ondare hori ondorengo herritarrei galdu gabe helarazteko asmoarekin, herriko haurrek xarez jolasten ikastea bermatu nahi du.

Bigarrena.- Badira urte batzuk, Ametsa Pilota Elkartek, xareko eskolak ematen dizkiela herriko haur eta gazteei, Ametsa trinketean urritik ekainerako ikasturte osoan zehar.

Hirugarrena.- 2/2016 Legea, apirilaren 7koa, Euskadiko Toki Erakundeei buruzkoaren 17.1 artikulua arabera, udalerrien eskumen propioen artean hau dago: "kirola eta kirol-jarduerak antolatzea eta sustatzea eta erabilera publikoko kirol-ekipamenduak kudeatzea".

Laugarrena.- Mikel Uzkudun Olanok adierazten du betetzen dutela, bai berak eta Ametsa Pilota Elkartek, Diru-laguntzei buruzko azaroaren 17ko 3872003 Lege Orokorren 13.Artikuluaren xedatutako baldintzak.

Bostgarrena.- Honako hitzarmen hau, Irurako Udalak otsailaren 25eko osoko bilkuran onartuko du.

Hori dela eta, bi aldeek, honako hitzarmen hau onartzea adosten dute, bere baitan ondorengo klausulak dituelarik:

KLAUSULAK

LEHENA.- Ametsa Pilota Elkartek, (aurrerantzean APEL) konpromisoa hartzen du 2024-2025 ikasturtean xare eskolak emateko, hala eskatzen duten eta Irurako udalerrin honetan bizi diren 9 urtetik gorako haur eta gazteei. Ekintza hori burutzeko behar diren kirol-begiraleak izendatu eta beharrezkoak diren gainontzeko ekintza-bideak ere bere gain hartu beharko dituelarik.

BIGARRENA.- Hitzarmena izenpetzen da ikasturte baterako, alegia, 2024ko urriaren 7tik 2025eko ekainaren 13a arte.

HIRUGARRENA.- Udal honek xare eskolek eragindako gastuak finantzatzen laguntzeko 6.000€ emango dizkio APEL-i.

LAUGARRENA.- Udal honek aipatutako zenbatekoaren %70a ordainduko dio APEL-i ikasturtea hasitakoan eta gainerako %30a, ikasturteko gastuen eta sarreraren balantzea aurkeztutakoan, beti ere 2025eko urria baino lehen, diru-laguntza guztiz likidatua egon behar baitu berri bat eskatu ahal izateko.

BOSTGARRENA.- APEL-k ikasturte amaieran, parte-hartze ziurtagiria igorriko die 2024-2025 ikasturtean xare eskolak jasotzen aritutako ikasle guztiei.

SEIGARRENA.- APEL-k, trinketean xare partidak ikusteko aukera bermatzeko, guxtienez txapelketa bat antolatuko du ikasturtean zehar eta horretarako udalarekin hitzarmen berezia izenpetu beharko du elkarlanerako eta finantzaketarako.

ZAZPIGARRENA.- APEL-k, Udalari jakinarazi beharko dio xare-eskoletarako ohiko ordutegitik kanpora trinketeko instalazioak erabili behar dituzte.

ZORTZIGARRENA.- HIZKUNTZA BETEBEHARRAK: APEL-k, Udalaren hizkuntza jarduera arautzeko planen arabera jokatuko du. Beraz, eskolak ematerakoan herritarrek dituen ahozko harremanak euskaraz gauzatuko ditu. Eskolak eman ahal izateko herritarren esku jartzen dituen agiri, txartel, ohar eta gainerako idatziak euskara hutsez emango ditu ezagutzera. Salbuespen modura, ele bietan argitaratu ahal izango ditu, betiere, euskara lehenetsita eta Udalak alde aurretik adostasuna emanda. Ametsa Pilota Elkartearen ordezkariak Udalakoekin ahozko eta idatzizko harremanak euskaraz izango dituzte.

BEDERATZIGARRENA.- Halaber, bete beharko dituzte Emakumeen eta Gizonen berdintasunari buruzko otsailaren 18ko 4/2005 Legearen 25. artikuluan xedatutako baldintzak eta haien artean:

APEL-k, genero-ikuspegia kontutan hartu beharko du ondorengoak betetz:

-Ikastaroa sustatzeko egiten dituen kartel, testu eta agiritako edukitan hizkuntzaren eta irudien erabilera ez-sexista egin beharko du.

-Bermatu beharko du, ikasle guztiak aukera berdina edukitzea entrenatzeko eta partidak jokatzeko sexuaren araberako bereizketarik egin gabe. Gainera, ez du onartuko ikasle-en arteko genero bereizketarik.

-ez du sortuko sexuagatiko bereizkeria zuzena edo zeharkakoa eragiten duen jarduerarik.

HAMARGARRENA.- Udal honek APEL-i lagako dizkio, trinketeko kantxa, bi aldeek adostutako egutegi eta ordutegian erabiltzeko, beheko solairuan dagoen armairua biltegi modura erabiltzeko eta bigarren solairuan dagoen bulegoa, bere ekipamenduekin, adierazitako ekintza burutzen duen bitartean.

HAMAIKAGARRENA.- APEL-k xare-eskolak dituen ordu berean, udal honek trinketeko kantxa beharko balu, kultura edo kirol programazioko ekintza bat burutzeko, APEL-i jakinarazi beharko dio alde aurretik eta ordu horretako xare-eskola beste ordu batean emango da.

HAMABIGARRENA.- Azaroaren 17ko 38/2003 Diru-laguntzen Lege Orokorra ezarritakoaren arabera, onuradunak honako agiri hauek aurkeztu beharko ditu:

- a) Nortasunaren egiaztagiria.
- a) Legearen 13. Artikuluan adierazten diren egoeretan ez dagoela zinez aitortzea.
- b) Foru Ogasun eta Gizarte Segurantzarekiko zerga-betebeharrak egunean dituela egiaztatuko duten ziurtagiriak.
- c) Ordaintzeko modua zehaztuz baimendutako ordezkariak eginiko idatzia aurkeztea, behar denean.

d) Jardueraren memoria ikasturte osokoa, gastu eta sarreraren likidazioa eta gastuak egiaztatzeko dokumentazioa.

e) Xare eskolak emateaz arduratzen diren irakasle guztien natura sexuarekiko delituen ziurtagiri gaurkotua (<https://sede.mjusticia.gob.es/cs/Satellite/Sede/eu/tramites/certificado-registro-central>).

(<https://sede.mjusticia.gob.es/cs/Satellite/Sede/eu/tramites/certificado-registro-central>).

f) APEL-EN Haur eta nerabeak babesteko protokoloa eta hau betearazteko ordezkariaren izendapena.

HAMAHIRUGARRENA.- APEL-k ez badu hitzarmena betetzen, aurreikusitako laguntza indargabetzea erakarriko du, eta badagokio, kontuan harturik zertan ez den betetzen eta hitzarmen honen xedea zein den, udalari guztia edo zati bat itzuli beharko dio.

HAMALAU GARRENA.- Hitzarmen honetan xedatuta ez dagoen edozertarako, azaroaren 17ko 38/2003 Legea eta Irurako Udaleko diru-laguntzei buruzko udal ordenantza bete behar dira.

Eta adostasunaren adierazgarri bi aldeek sinatzen dute ale bikoitzean eta ondorio bakarrerako igortzen den agiri hau, aleetako bat APEL-i ematen zaiolarik, bestea gorporetan honek jasoz, guztiaren berri nik, idazkariak fede ematen dudalarik, adierazitako data eta lekuan.

IRURAKO ALKATEA

AMETSA PILOTA ELKARTEA

UDAL IDAZKARIA

Kultura teknikaria

O.E.

Kultura batzordeburua

BOZKETA.- PROPOSAMENA AHO BATEZ ONARTU DA.

BOZKETA.-

ALDE: Gorka Murua Macuso (Eh bildu), Olaia Nieto Legarra (Eh bildu), Mikel Iturbe Sainzar (Eh bildu), Idoia Garayalde Goicoechea (Eh bildu), Noelia Lataburu Ortiz (Eh bildu), Gorka Sagarna Larrañaga (EAJ/PNV), Ana Jesus Leunda Gurrutxaga (EAJ/PNV).

3.1.- MOZIOA: EH BILDU: “2025EKO MARTXOAREN 8RAKO ADIERAZPEN PROPOSAMENA”.

Alkateak hartu du hitza eta Noelia Lataburu zinegotziak irakurri du:

2025eko martxoaren 8rako Adierazpena

Martxoaren 8an, Emakumeon Egunean, orain arte lortutakoa ospatzeko egunetik haratago, honaino iristeko borroka egin duen Mugimendu Feminista eta norbanakoen lana aitortzeko eta aurrera begirako erronkak mahai gaineratzeko eguna da. Ezinbestekoa da eskubideen aldeko borrokan, mugimenduaren antolakuntzak eta interpelazioetatik, jendarte guztia inplikatzen izan duen eraginaz mintzatzea. Zentzu honetan, instituzio honi dagokion ardura harretik aurkezten dugu adierazpen hau.

Bizitzari baldintza duin eta justuetan eustearen aldeko apustua egiteko unea da: horrek begirada feminista eskatzen du erakundeetatik bultzatzen ditugun politika guztietan. Genero-desberdintasun estrukturalen gorakada errealitate ukaezina da: emakumeek beren gain hartzen jarraitzen dute zaintzen karga gehiena, ordaindua eta ordaindu gabea; eta azken honek gainera, prekarizazio norabidea nabarmen hartu du. Krisi egoera honi egoki erantzungo dioten erantzun integralak premiazkoak dira, esparru eta maila guztietan, globaletik tokikoraino eta alderantziz. Euskal Herrian, gure eskumen-esparru mugatuan, argi daukagu gure lurraldeetan gure bizitzaren burujabe ez garen bitartean ezin izango ditugula beharrezko aldaketa guztiak bultzatu: hala ere, badaude aukerak bide hori marrazten joateko, sisteman pitzadurak irekitzeko, eta, hain zuzen ere, tokioa da eremu egokiena.

Horretarako, erakundeak koordinatu behar dira, eta bideak ireki herritarrek erabaki publikoetan benetan eta eraginkortasunez parte har dezaten, batez ere emakume-talde anitzek eta mugimendu feministak. Behar bezala aurre egin behar diogu daukagun erantzukizun publiko handiari, eta hori premisa feministetatik egin behar da, artikulazioa eta parte-hartzea bultzatuz, plan eta programa eraldatzaileak eginez, larrialdiei arreta emanez eta behar diren baliabide guztiak ahalbidetuz.

Egoera honen kontziente izan behar dugu eta horri erantzungo dioten politika publikoek emakumeek boteretzera ere eraman beharko lukete. Horretarako ezinbestekoa da Gobernantza Feminista aurrera eramatea. Gobernantza Feminista berdintasun politiketan historikoki kokatua izan da, Berdintasun Planen zutoinetako bat bezala eta honi *Gobernu Ona* esan zaio. Egiteko moduei, egiten denari baina gehiago begiratzean datza. Demokratizazio prozesu bat da oro har, lehentasunak definitzeko beste begirada bat; jarduteko eta lan egiteko prozeduretan aldaketa. Gobernantza feministari buruz ari garenean lidergo transformatzaile bati buruz ari gara eta beharrezkoa da ikuspegi feminista txertatzea aurrera eraman nahi dugun prozesu subiranistan.

Berdintasun Politikek, azken urteetan, oinarritzko sistema bat sortu dute, baliabide eta plenez jositako. Ezinbestekoak izan dira, hainbat bide zabaltzeko, eta hauen garapenean oraindik

bidea daukagu egiteko. Nabarmentzekoa da, indar ultrakontserbadoreek hauen kontra abiatu duten gurutzada, eta argi dugu horien defentsan eta sustapenean egongo garela instituzio bezala. Baina handik haragoko

politikak behar ditugula esan nahi dugu gaurkoan, zeharlerrotasun erradikal bat martxan jarri behar dugu. Hau da, estruktura estankoak apurtu behar ditugu eta sail ezberdinen artean proiektu konparituak eraiki eta kudeatu behar ditugu. Honi, Politika Feminista deritzogu, "emakumeen gaiak" eskinatik atera eta unibertsal bilakatzera jo nahi dugu. Zaintzaz, ekonomiaz, hirigintzaz eta Indarkeria Matxistaz, guztiaz, ikuspegi feministatik aritu nahi dugu. Beharizan nabarmen eta erronka handi hauen aurrean, gure herriak, dinamika eraldatzaile eta partekatu bat abiatu behar du, erakundeetatik ahalegin eta konpromiso hori aitortuz, proposamenak eta aldarrikapenak jasoz, eta topaketa- eta elkarrizketa-guneak bultzatu eta indartuz.

Horregatik guztiagatik, Irurako Udalak honako hau erabaki du:

- Mugimendu Feministarekin batera Zaintzen aldeko Herri Akordioarekin bat egin eta landutako puntuak espazio partekatuetan aurrera eramatea, Zaintza mahaietan besteak beste.
- Berdintasun zein Barne Planen bidez, gobernantza ereduaren inguruan lan egitea eta emakumeen boteretzea sustatzeko bideak ezartzen jarraitzea.
- Zaintzaren gairi buruzko proiektu bat abiatzea, alor ezberdinetako arduradun instituzional, langile eta kolektiboekin batera.
- Jabekuntza Eskolei eta Emakumeen Etxeei behar adina baliabide bermatzea
- Euskal Herriko Mugimendu Feministak herrian/herrialdean bultzatuko duen dinamikarekin bat egitea eta Martxoaren 8ko deialdiak babestea, herritarrei bertaratzeko deia eginez.
- Mugimendu Feministak bidezko eta berdintasunezko gizartea lortzeko egindako eta egiten duen ekarpena eta lana aitortzea.

Iruran, 2025ko otsailaren 24an

EAJko bozeramaileak hartu du hitza eta adierazi du feminismoak eta berdintasuna akordioak eta batasuna eskatzen dituela eta Eudelen adierazpena aurkeztu nahi dutela eta horregatik EHBilduren mozioan abstenitu egingo direla.

BOZKETA.- PROPOSAMENA ONARTU DA.

BOZKETA.-

ALDE: Gorka Murua Macuso (Eh bildu), Olaia Nieto Legarra(Eh bildu), Mikel Iturbe Sazar(Eh bildu), Idoia Garayalde Goicoechea(Eh bildu), Noelia Lataburu Ortiz(Eh bildu).

KONTRA: 0

ABSTENTZIOA:Gorka Sagarna Larrañaga(EAJ/PNV), Ana Jesus Leunda Gurrutxaga(EAJ/PNV).

3.2- MOZIOA: EAJ: “2025EKO MARTXOAREN 8RAKO EUDELEKO EREDUZKO PROPOSAMENA”.

Alkateak, nahiz eta, gaio-ordenean ez egon, EAJk gai berdinarengatik inguruan egindako mozi-
oa tratatzeko proposamena onartu du eta Ana Leunda EAJko zinegotziak hartu du hitza eta
mozioa irakurri du:

2025eko martxoaren 8rako EUDELEko Ereduzko Adierazpena *Beijingo Adierazpenaren eta Ekintza Plataformaren 30. urteurrena; hiru hamarkada berdintasunaren bidean*

Gaur, 2025eko martxoaren 8a, Emakumeen Nazioarteko Eguna dela eta, Beijingo
Adierazpena eta Ekintza Plataforma adopzioaren 30. urteurreneko ospakizunarekin bat
egin nahi dugu. 1995ean Beijingen egin zen Emakumeen Buruzko IV. Mundu Konferentzian
adostutako akordioek genero-berdintasuna, emakume eta neska guztien ahalduntzea eta
giza eskubideak gauzatzeko munduko ibilbide-orria abian jarri zuten.

Ibiltako azken 3 hamarkadetan aurrerapauso garrantzitsuak eman dira, baina bilakaera
desorekatua izan da eta oraindik munduko herrialde bakar batek ere ez du lortu
emakumeen eta gizonen arteko genero-berdintasuna. Hala eta guztiz ere, berdintasun-
indizeek aurrerapena nabarmena izan dela erakusten dute, berdintasun-politiken araudi-
eta erakunde-garapena eta mugimendu feministaren bultzada iraunkorra bateratu diren
testuinguruetan.

30. urteurren horrek konpromisoak eta borondateak berritzeko aukera ematen digu,
Beijingen adostutako berdintasunaren helburuak lortzeko, beharrezkoak diren baliabideak
bideratuz, erronkei eta oraindik dirauten oztopoei aurre egiteko.

Euskal erakundeek eta, bereziki, tokiko gobernuek, 30 urte hauetan metatutako ebidentzia
dute, eta horrek agenda feminista globalean oinarritutako berdintasun-politiken bermatu eta
legitimatatu egin du.

Euskal udalek genero-berdintasunaren lorpena bizkortzeko mundu-mugimenduarekin bat
egin dute, emakumeen eta nesken ahalduntzearen eta emakumeen eskubideen
defentsaren aldeko apustua eginez. Tokiko eremutik arlo kritiko globalean aurrera egiten
laguntzeko, Irurako Udalak ondorengo konpromisoak hartuko ditu:

- Sustapen-egiturak baliabide eta langile nahikoz hornitzea, berdintasunerako eta indarkeria matxistaren aurkako borrokari buruzko politikak garatzeko, Berdintasunerako Politika Publikoen Kalitate-Estandarren arabera.¹
- Emakumeen elkartegintza eta elkarte feministak sustatzea, horien bidez, berdintasun politika publikoetan, emakumeak solaskideak izan daitezen eta eragin dezaten.
- Tokiko gobernuetan emakumeek eta gizonen berdintasunez parte hartzeko eta eragiteko errazten dituzten baldintzak sortzeko akordioak hartzea.²
- Tokiko arreta- eta koordinazio-protokoloak eguneratzea, emakumeen aurkako indarkeria matxistaren biktimak eta bizirauleak onbideratzeko.

¹ Ikus 2018ko abenduaren 12koa, Emakumeen eta Gizonen berdintasunerako Erakunde arteko Batzordearena, zeinaren bidez **Berdintasun Politiken Kalitate Estandarrak** ezartzen diren

² Ikus **“Udalentzako gomendioak, emakumeek tokiko gobernuetan parte hartzeko baldintzak errazteko”**, EUDELEk udalei bidalitakoak 2023ko maiatzaren 29an.

- Herritarren artean, indarkeria matxistari aurre egiteko programak garatzea, gizonak eta mutikoak bereziki mugiaraziz.
- Zaintzen ekonomia eraldatzeko tokiko prozesuak abian jartzea, ikuspegi feministatik.
- berdintasunaren eta indarkeria matxistaren aurkako borrokari buruzko tokiko ekintza-planetan jasotako agenda feministen gaineko kontuak ematea, aldian-aldian.

BOZKETA.- PROPOSAMENA AHO BATEZ ONARTU DA.

BOZKETA.-

ALDE: Gorka Murua Macuso (Eh bildu), Olaia Nieto Legarra(Eh bildu), Mikel Iturbe Saizar(Eh bildu), Idoia Garayalde Goicoechea(Eh bildu), Noelia Lataburu Ortiz(Eh bildu), Gorka Sagarna Larrañaga(EAJ/PNV), Ana Jesus Leunda Gurrutxaga(EAJ/PNV).

KONTRA: 0

ABSTENTZIOA: 0

Alkateak batzarraldia bukatutzat eman du arratsaldeko 19:20tan eta bilera agiri hau jaso da, alkateak izenpetuz eta nik, idazkariak, ziurtatuz.

